

II. TITULUA

KIROL-INSTALAZIOETAN SARTU ETA ERABILTZEKO ARAU OROKORRAK

I. KAPITULUA

OROKORRAK

7. artikulua.—Kirol-instalazioetan sartzeko eta erabiltzeko eskubidea

Kirol-instalazioetan sartu eta instalazioak dagokien helbururako erabiltzeko eskubidea dute pertsona, kirol elkarte eta legearen arabera eratutako klub guztiek, baita federazioek, ikastetxe publiko zein pribatu eta bestelako erakundeek, baldin eta honako baldintza hauek betetzen badituzte:

- Beren helburuen artean heziketa fisikoa eta kirola sustatzea sartzea.
- Instalazioen xede diren kirolekaren bat praktikatzeko asmoa izatea.
- Orozkoko udalak ezarritako tasak ordaintzea.
- Araudi honetan jasotako arautegia betetzea.

Halaber, instalazioak izaera sozialeko eta kultureleko jardueretarako erabili ahal izango dira egun zehatz batzuetan, baldin eta jarduera horiek kasu bakoitzerako jasotako baldintzak betetzen badituzte eta dagokien baimena badute.

8. artikulua.—Sartzeko debekua

Pertsonaren edo erakunderen bati instalazioen barrura sartzea eragozten bazaio, Orozkoko Udalaren ebazpen arrazoitu eta motibatua beharko da, eta ebazpen horren kontra indarrean den legediaren arabera egoki diren errekurtsoak aurkeztu ahal izango dira.

9. artikulua.—Kirol-instalazioetara heltzeko modua

Instalazioetara beti horretarako adierazitako lekutik sartuko da, bide publikotik nahiz gainerako kirol-instalazioetatik.

Edozein instalaziotan sartu baino lehen, ezarritako prezioa ordaindu izana egiaztatzen duen sarrera edo txartela eskuratu beharko da, edo bestela urteko edo denboraldiko harpidedun-txartela erakutsi, eta hala badagokio, instalazioaren erreserba.

Kirol-instalazio guztietan debekatuta dago edozein animalia mota sartzea; toki berezi bat gaituta dago erabiltzaile itsuei laguntzen dieten itsuaurreko txakurrei, animalia horiek erabili ohi badituzte ibiltzerakoan.

Era berean, Orozkoko Kiroldegiko igerileku estali gabeetan izan ezik, gainerako udal kirol-instalazioetan debekatuta dago mahaia, aulkiak, etzaulkiak, hamakak, ume-kotxeak eta antzekoak sartzea; hala badagokie, horiek barrutiaren sarreran geldituko dira, horretara bideratutako lekuan, eta ezin izango zaio Orozkoko Udalari erantzukizunik eskatu zerbait lapurtu, galdu edo hondatzen denean, bere zaintzapean ez dagoelako.

10. artikulua.—Erabiltzaileen erantzukizuna

Erabiltzaileak udal kirol-instalazioen eraikin, ondasun eta gainerako osagaietan sortzen dituzten kalteen erantzule izango dira, eta horien artean sartzen dira landareak, zuhaitzak, soropila, etab.

Kaltea sortu duten erabiltzaileak behartuta egongo dira kalteak ordaintzera, eta instalazioak zaintzeaz arduratzen den pertsonari jakinarazi beharko diote.

Adin txikikoek eragindako kalteen erantzuleak gurasoak, tutoreak edo adingabeak beren zaintzapean dituzten pertsonak izango dira. Halaber ezarriko da gaitasungabetuta dauden pertsonetikiko erantzukizuna.

11. artikulua.— Erabiltzaileen jarrerazko arauak

Erabiltzaileak behartuta egongo dira oinarrizko gizalege eta begiramen arauak zaintzera barrutia erabiltzeko behar den baldintzetan egon dadin, eta aipamen berezia egiten zaio paperontzi, zerbitzu, komun eta antzekoen erabilerari.

Pertsonaren batek araudi honetan ezarritako arauak betetzen ez baditu, eta arduraduna konturatzen ez bada baina erabiltzailearen bat horretaz ohartzen bada, erabiltzaile horiei iradokitzen zaie berehala kirol-instalazioko langileei edo zerbitzuen emakida dutenei jakinaraztea.

12. artikulua.— Iradokizunak eta erreklamazioak

Erabiltzaileek, kirol-instalazioek hobeto funtzionatzeko egoki jotzen dituzten iradokizunak egiteaz gain, zerbitzuari buruz egokituz jotzen dituzten erreklamazioak aurkeztu ahal izango dizkiote Orozkoko Udalari. Udalak erregistro-liburu bat izango du eta bertan idatziko dira aurkeztutako erreklamazioak: pertsona, helbidea, eguna, ordua eta kexa edo iradokizunaren azalpen laburra.

Kexaren kopia bat udal kirol-zerbitzuak kudeatzearen arduradunari igorriko zaio.

Iradokizunak idatziz aurkeztuko dira, Orozkoko kiroldegiko instalazioetan horretarako prestatutako postontzian, eta udal kirol-instalazioen kudeaketaz arduratzen denari zuzenduko zaizkio.

13. artikulua.— Erreserbatutako eremuetan sartzea

Debekatuta dago erabiltzaileak kirola egiterik ez den eta mantentze- lanetako edo zerbitzuetako langileei erreserbatuak dauden mantentze-instalazioetan, kontrol-bulegoan eta bestelako eremu eta lokaletan sartzea.

II. KAPITULUA

ERABILTZAILE GUZTIEN ESKUBIDE ETA BETEBEHARRAK

14. artikulua.— Erabiltzaileen eskubideak

Harpidetuak nahiz harpidetu gabeak diren udal kirol-instalazioetako erabiltzaile guztiek eskubide hauek izango dituzte:

a) Orozkoko Udalak eskaintzen dituen zerbitzu guztiak erabiltzea, bakoitzari dagokion araudiaren arabera.

b) Instalazioetako zerbitzuetako edozein langile edo arduraduni edozein unean identifikazioa eskatzea, dagozkion erreklamazioak egiteko.

c) Indarrean dagoan legediak eta araudi honetan xedatutakoak aitortzen duten beste edozein eskubide.

d) Funtzionamenduko akatsen, hausturen, hutsuneen edo araudi honetan ezarritakoa ez betetzearen berri instalazioetako langileei ematea.

15. artikulua.—Erabiltzaileen betebeharrak

Erabiltzaileen betebeharrak dira oro har:

a) Instalazioak araudi honetan ezarritakoaren eta instalazioetako langileen erabilera-oharren arabera erabiltzea.

b) Instalazioak eta bertako ekipamendua behar bezala erabiltzea, kontuan hartuta axolagabekeriak edo atzipez eragindako edozein haustura edo kalte hori egin duenaren kontura konpondu beharko dela.

c) Beste erabiltzaileen lehentasun eskubideak errespetatu, batez ere aurretik emandako ordutegi-erreserbei dagokienez.

d) Ezarritako tasak dagokien unean ordaintzea.

e) Instalazioetan behar bezala jokatzeko, langileen lana erraztuz. Langileekiko begirunea nahitaezkoa izango da uneoro, eta beraien esanak behar bezala bete beharko dira.

f) NAN edo norbere nortasuna egiaztatzen duen agiri baliokide batez identifikatzea instalazioetan sartzeko hori eskatzen zaienean.

g) Indarrean den legediak eta araudi honetan aitortutako beste edozein betebeharrak.